

源覺 正四、宮內卿、母山口氏、

貞登 正五下、備中守、本姓源、出家名深寂、還俗賜貞朝臣姓、母更衣三國氏、

忠子 天長九三三、賜統朝臣姓、

〔文德實錄五〕仁壽三年二月庚辰、制曰、利國通規、公謙爲本、安民茂躅、損挹厥初、朕薰腹未施、化跡仍疎、恐黎氓之不親、望刑辟以慙德、而今所生男女、皆當享封爵之重、疏湯沐之用、思其煩費、內以忸怩、竊見乃祖聖皇、貽厥之謀、除親王之號、賜朝臣之姓、奕代相沿、已爲成式、誠宜陶聖風而長扇、共源氏而混流、但前號親王、不在此限、同母後產、亦復一例、慶雲之惠、旣無愛憎、若樹之華、更有濃淡、蓋以域中大寶、在屈己以利人、天下至公、欲損上以益下、普告中外、咸俾聞知、六月庚午、皇子能有時有、本有載有、皇女憑子、謙子、列子、濟子、與子等、賜姓源朝臣、隸左京職、行前日詔也、

〔三代實錄五〕光孝仁和三年六月廿日壬戌、從四位上行太宰大貳源朝臣行有卒、行有者、文德天皇之皇子也、母布勢氏、天皇賜行有姓源朝臣、

〔三代實錄二十三〕清和貞觀十五年四月廿一日乙卯、勅曰、朕以涼德、辱此守文、往化未孚、於豚魚、用心徒形於拮据、唯深蒼生爲子之德、不慊、螽斯則百之福、而今心事罔養、男女繁昌、當分茅土之重、多致帑藏之費、寤寐頽愁、心魂罔措、若涉洪水、而无舟楫、但弘仁以降、載遺縱、或作親王、或爲朝臣、尤是損上益下之大義、屈躬利物之通規、朕之不德、仰慚前良、因願頗變舊章、總爲源氏、然而事當師古、義貴宜今、故其不獲已者、擇之以爲親王、唯須其後一世早停王號、卽賜朝臣、以節國家之經用、頗加公謙之篤情、又其號親王者、同母後產、並同盡一戶鳩之深惠、欲一恩施、司牧之至公、猶從義割、但冀枝分若木、高下共春、派出天潢、淺深同潤、並告遐邇、令知朕意、是日賜親王八人、源氏、皇子貞因、母橘氏、治部大輔休蔭之女、皇子貞元、母藤原氏、參議治部卿仲統之女、皇子貞保、母女御藤原氏、故中納言長良之女、皇子貞平、母藤原氏、右中辨良近之女、皇子貞純、母王氏、中務大輔棟貞之女、皇女孟子、母藤原氏、兵部大輔諸葛之女、